

A colorful illustration of a beach scene. In the background, there is a red crane on the left and a blue suspension bridge over a body of water. The sky is light blue with stylized white clouds and two small birds. The foreground shows three children on a sandy beach. On the left, a child with red curly hair and large white-rimmed glasses holds a blue stick with a star-like end. In the center, a child with blonde hair and a black cap wears a pink shirt. On the right, a child in a blue cat costume with a pink cape is jumping. A dark blue barrel is on the far right.

Šukares akhardo! Kai angluni škola!




Lašo djes!

Te les tut ande angluni škola si jekh nevi
thaj laši vriama tuke thaj vi ča glatake.
Ame ažukeras ke si te avel tumenge
jekh drago, pačaki thaj sičarimaski
vriama sa la familjake.

Ande kado ramomos čidam ketane
informacia thaj lašo konsiljo kai šai del
tumara familja jekh lašo drom.

Te si tut pušimata šai des duma le
ženenca kai či angluni škola.

Šukares akhardo!



Indexo

Le glatengo sičaripe thaj vazdipe si ando maškar

Angluni školaki buči.....4

Kana či glata lelpe ande angluni škola

Kadia žalpe anglunes.....6

Praktišnio informacia

O xabe ande angluni škola.....8

Naj voja akhorengi.....8

Gada pala vriama.....8

Sodi kerel o than kai škola?10

Puterimaski vriama.....10

Le Apps kai vušorin o djes.....10

Te nasvavola či glata.....11

Jekh lašo teliaripe angla so lelpe e škola.....12

Kolaboracia po mištipe le glatengo.....14

Organisazacia thaj responsablite.....15

Kontaktoski informacia.....16

Le glatengo sičaripe thaj vazdipe ando maškar


Ande angluni škola sičol čiri glata neve djeli thaj vazdelpa le khelimasa, kerdimasa thaj rodimasa korkoro jekh ženo, ande grupa thaj ketane le mai phurenca.

Ande angluni škola zjal sičaripe kai del stimulacia thaj kerel te roden mai dur le glati. E edukacia del avri katar la školako sičarimasko plano. Khelimasa las sama te šai uštavas le glatengo kuriosita thaj maro te sičon.

Le glatengo intereso thaj trubupe naližil sar ame planisaras e edukacj. Šai djines mai but pa la školako sičarimasko plano po Skolverkets weboski rig. Ande kado plano si naprimer mai but informacia pa la školako gol thaj tsego.

Sa le glaten si sa jekh čačimata

Sa le glaten si len čačipe te avel len jekh hodinime trajo, te na avel diskriminacia thaj prasajimata. Ame zuraless keras buči pe le glatenge čačimata thaj te zjas kontra pe sa le prasajimata.



Kana lelpe či glata ande angluni škola

E pervo vriama ande angluni škola lelpe kusa jekh introdukcia te šai biris tu thaj či glata te avel tumen posibilita te prinžaren le školaren, la škola thaj le buča. Tela kadia vriama te si tut pušimata šai pušešs katar le školaria thaj šai phenes so trubul či glata.

Pala kudo si tut posibilita te vorbis le školarenca kai keren buči kai angluni škola. Katka telal si exepluri so šai ažukeres tuke.

- » **Djeseske čidimata** – Skurto vorbipe pa či glatako djes. Le tuke vriama kusa le školarenca te kamesa te des duma mai but.
- » **Vazdimasko vorbipe** – Pa či glatako mištipe, trubupe, vazdipe thaj sičaripe.
- » **Niamongo čidipe** – Informacia pa la školako tsego, gol thaj aktualnio projekturi.
- » **Školake pušimata** – Jekh data o berš avel tuke enketo kusa pušimata pa so aliares pa e angluni škola. Čire atveturi žutil amen te vortos thaj te vazdas e aktivitacia.

Kana o Abbis lape ande angluni škola lesko
dad lesa sas anda gor. Ketanes thonas
opre le gada pe le Abbesko gančo svako
diminiatci.

O Abbis drago leske te ramol thaj e angluni
vriama ramolas o Abbis butivares varikasa
anda le školaria. Zipon le kaver neve vortača
kelenaspe kruglom. Pala jekh vriama vi o
Abbis kamelas te khelelpe lentca.

Kana sas e vriama te hodinin atunči o Abbis
sas čino thaj sovel čira. Kana sičilo la školasa
atunči lesko dad lape te prinzarel le školaren
thaj ačardape mišto ke dikhla ke o Abbis
mišto leske ande angluni škola.



Praktisko informacia

O xabe ande angluni škola

Ande angluni škola podajis diminaciako xabe, mizmeresko xabe thaj maŝkaruno xabe svako djes. O xabe lelpe pala o Livsmedelsverkets konsiljo kaŝte te ŝai avel le glaten jekh sastimasko xabe svako djes. Ame podajis xabe kai si andre but zelenimata thaj malade fruti thaj zelenimata pala e vriama.

Trubul ĉa glata specialnio xabe?

Atunĉi trubus te mukhes informacia pa ĉa glatako trubepe pe webboski rig: goteborg.se/matiforskolan.



Akhorengo aŝajipe

Naj voja te les tusa vaj te des varikas *akhor*, *mandelo* thaj *sesam* ande angluni škola. Akhor, mandelo thaj sesam ŝai keren zurale allergiko reaktcia. O aŝajipe si vi andre thaj vi avrial, antrego djes.

Gada pala e vriama

Ande angluni škola sam but avri thaj anda kudo si importante te avel ne manuŝes gada pala e vriama. Miŝto si te len pesa extra gada ande angluni škola kaŝte ĉi glata kana godi te avel konforme.

**Semnosar ĉa
glatake gada le
anavesa.**

O Jojo drago leske xabe. Ande angluni škola xal o Jojo sa so thon angla les. Le školaria dikhen ke le vortača troman vi von te zumaven kana si o Jojo lenca. Varikon zumaven broccoli pe pervo data thaj jekh kaver lel mai but solzo. O Jojo vuze xala sa.

Te xal o manuš andektan si imoportanto ande angluni škola. Le školaria thaj le glati den duma pa svaki fialo zipon xan. Če forma si po kolompiri? Kaski vriama si te lel peske goroxo? O xabe ankelel jekh posibilita te sičos svako fialo de katar e šib ži kai e matematika. Numa vi te kudo te keres tuke laše vortača, vi kana xas.



Sodi kerel o than ka škola?

Svako šion pučines jekh pučin anda ča glatako than. E počin naližil pala sodi love les andre. Vi kudolako/ kudolesko love djindjol kai trajil tusa makar ke naj von čače niamuri le glatengo.

Tu san responsablo te trades andre le čače rama thaj importante si te phenes te si ke parudjila e situacia ande la familjaki ekonomia vaj buča vaj te si ke muklan tume vajke trajin ande jekh than, so mai sigi daštin. Te si ke naj tumen jekh taksime saleri šai ramos O (zero).

Mai but informacia arakhes ando: goteborg.se/forskoleavgift.

Puterimaske djesa

Tela milaj phandaven but anglune školi. Te trubula čira glata škola tela kudia vriama si uni anglune školi puterde tela milaj.

Štarvar o berš si la škola studimaske djesa. Atunči e angluni škola si phandadi thaj čiči glata si libro. Te si ke naj tut posibilita te bešes khere, atunči čiči glata šai žal kai jekh škola kai si puterdi vi tela le studimaske djesa.

Tu šai arakhes aktualnio vakans thaj studimaske djesa po: goteborg.se/forskola.

Apuri kai vušuril o djes

Unikum Familj

Ando apo Unikum Familj šai dikhes ča glatako djes, vazdimos thaj šičarimos ande angluni škola, direkto ando telefono. Avel tuke mesažuri pa so kerdjolpe ande angluni škola thaj kaver importante djeli kai trubul te žanes.

Le tele e Unikum Familj po Apo Store vaj Google Play vaj po webo start.unikum.net.

IST Home Skola

Pher andre čire glataki vriama ande angluni škola ando apo IST Home Skola. E vriama kai pheres andre le tu pala čiči buči, rodes buči vaj niamongo libirimos (inklusivno tradimaski vriama).

Le glatengi vriama trubul te lel pe pala kana putrel thaj pandavel e škola thaj kana keren buči le školaria. Te trubula te paruves e vriama šai keres kado ando apo o mai čira duj kurke mai anglal.

Te na desa ando gor le aposa šai mukhes jekh ram kai e škola. Činore parujimasa šai keres jekh djes mai anglal. Kana tu san libro vi čiči glata si libro.

Te nasfavola či glata

Či glata trubul te avel sasti te šai biril te khelelpe thaj te avel ande le aktiviteturi ande škola. Kana či glata si nasfali trubul sar mai sigo te des duma kai škola. Mar vaj ker jekh sms thaj ker registracia ando apo IST Home.

Kana trubul či glata te bešel khere?

- » Te si ke le školaria dikhen ke e glata pra čini la vaj pra kovli te šai kerel la školake aktiviteturi.
- » Kana si žaro – e glata trubul te avel bi žarosko o mai čira 24 časuria mai anglal sar te avel palpale.
- » Nasfalipe kai perdjol.
- » Kana si pajasle reni vaj eksema – e glata šai avel palpale kana sučile le reni.
- » Djijesko nasfalimos thaj šaglimata vaj diarea. E glata trubul te xal normalnio thaj te avel sasti ande o mai čira 48 časuri.
- » Phen amenge kana si te avel palpale či glata kai škola, te šai dikhas te si dosta školaria po than.

Angluniškolaki administracia lel pe pala Vestroski Gotathemeski regiaki rutini pa vuzipe.



Jekh lašo teliarimos angla škola

O rodimos sikavel ke e edukacia ande angluni škola si defial importante ande le glatengi škola. Ande jekh khelimasko gor le glati vazden peske haliarimata ande naprimer le šiba.

Le studiuri sikaven ke le glati kai gele ande angluni škola si len jekh hazna ande šiba thaj matematika kana len pe ande škola.

Ande angluni škola sičon le glati kado:

- » **kolaboraciona**
- » **hulaven djeli**
- » **lašaren problemuri**

**O djinimos vazdel
le glatengo haliarimos
thaj vorbimos.**

O Mille nakhel katar jekh anzarimasko than po drom ka škola. Si te keren jekh nevo sportivo kher. Če drago phenel o Mille, but šai dikhel o manuš. Tela o čidimos phenel o Mille peske vortakonge pa le hunajimaske mašinki.

Pe teharin sa e škola gele te dikhen sar anzaren. Kana aven palpale kater e škola o Mille thaj uni vortača linepe vivon te anzaren ande bar.



Kolaboracia pe le glatengo mištimos

Sa le glaten si le šajipe te vazden pe thaj te avel lenge mišto ande angluni škola. Ande angluni školaki administracia si specialpedagoguri, logopedaguri thaj psykologuri thaj ame keras buči kusa o BVC, o socialio thaj kaver aktiviteturi kai si kontakto le familjenca.

Žutipe kai familji

Kames te zuriates e relaciona čira glatasa vaj trubul tut žutimos ando dadipe?

ABC-malajimata thaj kaver kursuri den tipsuri, ketanipe thaj konsiljo – digitalnio vaj po than. Djin mai but pa so si paša tu ando: goteborg.se/foraldrastod.

Univar trubul le familjien thaj le glaten mai žutimos, naprimer kana si pa le glatengo vazdimos thaj sastimos. Te si ke kai či glata si mai but djeli katar mai but aktiviteciji atunči šai si tumen čačimos kai jekh SIP (ketane individualnio plano). Puš katar o baro la školako.

Ande angluni škola naj voja te purinas avri variso

Sa le žene kai keren buči and škola naj voja te purin thaj te hulaven avri personalnio informacia varikasa avrial.

Sa le glati si surancime

Sa le glati ande angluni škola kai si ramome ando Göteborgo si surancime pe aksidanturi 24 časuri. E suranca si ferdi pe aksidanturi. Djin mai but pa glatengo- thaj studentonge suranci ando: goteborg.se/forskola.

Organizacia thaj responsablimos

Angluni školaki administracia respondil anda biš puterde angune školi, pašti 360 komunalnio anglune školi pe 25000 glati ando Göteborgo.


Ande angluni škola si but fialuri rola bučake kai keren buči ketane te šai den le glaten jekh vojako, pačako thaj sičarimasko djes.

O baro la školako si kai porončil thaj lel sama te žal e buči mišto.

O školari respondil te žal le sičarimasko plano angle thaj te lel sama ke vorta žal e pedagogisko buči angle. Vi le školaria thaj vi **kudola kai len sama katar le glati** si pe kudo te vazden le glaten ando sičarimos.

Šai djines mai but pa organizacia thaj pa buči ando angluni školaki administracia ando Göteborgs Stad: [weboski rig goteborg.se/forskoleforvaltningen](http://weboski.rig.goteborg.se/forskoleforvaltningen).





Si tut pušimos?

Le kontako ka školakoservicio
goteborg.se/forsskoleservice

Telefoski vriama Iujine–paraštune
kl 8–16.30

Telefono: 031-365 09 60

Göteborg Stads kontaktcentro

Katka šai žutin tut pe but šiba.
Telefono: 031-365 00 00

Pe goteborg.se/forskola arakhes
mai but informacia pa anglune školi
ando Göteborg thaj šai mukhes
ginduri pa angluni škola.

**Halosar školaki
administracia po
Facebook thaj
LinkedIn nevimata thaj
dikhimos pa so kerdjol
pe ando Göteborgs
Stads anglune školir.**

